



PUSAT LATIHAN PEGAWAI PENJARA WILAYAH TIMUR (PULATIM) MARANG

1.0 SEJARAH PENJARA MARANG, TERENGGANU

Penjara Marang, Terengganu telah dibina pada 21 November 1981 dan telah diisytiharkan sebagai Penjara Terbuka Marang pada 11 Julai 1985 sebagaimana yang diwartakan dalam warta kerajaan Jilid. 29 bertarikh 8 Ogos 1985. Penjara Marang, Terengganu telah di rasmikan oleh Mantan Perdana Menteri Malaysia Tun Dr. Mahathir bin Mohamad pada 17 April 1984. Penjara ini jaraknya lebih kurang 15 km dari Bandar Marang dan 33 km dari Bandar Kuala Terengganu. Keluasan Penjara Marang, Terengganu adalah 78.75 hektar. Jumlah kakitangan adalah seramai 365 orang dengan jumlah kapasiti banduan maksima 1500 orang.

2.0 SEJARAH AWAL PENUBUHAN PUSAT LATIHAN PEGAWAI PENJARA WILAYAH TIMUR MARANG, TERENGGANU

Pada lewat tahun 1980an begitu ramai anggota/kakitangan penjara yang belum menghadiri kursus Asas Pegawai Penjara, terutamanya bagi Negeri Sabah dan Sarawak. Ini telah menyebabkan kelewatan dalam pengesahan jawatan anggota/kakitangan yang terbabit. Pusat Latihan Pegawai Penjara Taiping (PULAPEN) pada masa tersebut tidak mampu untuk menampung lebih ramai anggota/kakitangan bagi mengikuti Kursus Asas Pegawai Penjara. Pada masa tersebut hanya lebih kurang 250 orang pelatih sahaja mampu dilatih di PLPP sedangkan pengambilan anggota baru melibatkan ribuan orang. Menyedari keadaan sedemikian Pihak Pengurusan Penjara IPPM telah menubuhkan Pusat Latihan Pegawai Penjara Wilayah Timur di Penjara Marang untuk memberi latihan asas kepada anggota pengambilan baru dalam Jabatan Penjara Malaysia.

Pada awal tahun 1989 Pusat Latihan pegawai Penjara telah ditubuhkan di Penjara Marang, Terengganu untuk memberikan Kursus Asas kepada anggota/kakitangan penjara yang belum lagi mengikuti kursus Asas Pegawai Penjara dan kebanyakannya daripada anggota/kakitangan tersebut telah berkhidmat melebihi tiga tahun. Dengan adanya Pusat Latihan Pegawai Penjara di Penjara Marang, Terengganu ini telah dapat menampung dan menyelesaikan masalah kelewatan anggota/kakitangan menghadiri Kursus Asas Pegawai Penjara serta kelewatan dalam pengesahan jawatan.

PKP Tn. Wan Zakaria bin Wan Ibrahim iaitu Pengarah Penjara Marang, Terengganu pada waktu tersebut telah melantik TPP Tn Aman Zoeira bin Abd. Hamid sebagai Komandan Pusat Latihan Pegawai Penjara Marang, Terengganu dan PPP Bakar bin Ismail dari PLPP telah dipanggil dan telah dilantik sebagai Timbalan Komandan (Sekarang Komandan PLPP). PPP Bakar bin Ismail telah memainkan peranan penting didalam pengurusan Pusat Latihan ini dengan mengambil Jurulatih dari Institusi penjara lain seperti dari Taiping, Penjara Kuantan dan lain-lain Institusi bagi memantapkan lagi Pusat Latihan di Penjara Marang, Terengganu. Pihak Pengurusan Juga telah menghantar beberapa Anggota ke Pusat Latihan Polis (PULAPOL) untuk menjalani kursus Jurulatih.

Pusat Latihan Pegawai Penjara Wilayah Timur Marang, Terengganu telah beroperasi selama tiga tahun dan sebanyak 5 siri latihan telah dijalankan dan telah dapat menyelesaikan masalah anggota/kakitangan yang belum disahkan jawatan iaitu yang telah berkhidmat 3 tahun dan selepas daripada itu Pusat Latihan Pegawai Penjara Wilayah Timur di Penjara Marang, Terengganu telah ditutup oleh Bahagian Pengurusan Penjara IPPM.

3.0 SEJARAH PENUBUHAN PUSAT LATIHAN PEGAWAI PENJARA WILAYAH TIMUR (PULATIM)

Pada pertengahan tahun 2005 Bahagian Pengurusan Penjara IPPM telah dapat mengesan kemungkinan lambakan anggota / kakitangan pengambilan baru yang belum menghadiri Kursus Sijil Asas Pengurusan Penjara akan berlaku sepertimana pada lewat tahun 80an dulu akan berulang kembali. Sehubungan dengan itu menyedari masalah seumpama itu akan berlaku lagi dan dengan keperihatinan Yang Berbahagia Datuk Mustafa bin Osman Ketua Pengarah Penjara Malaysia telah mencadangkan supaya ditubuhkan Pusat Latihan Wilayah (PULAWI) bagi memberikan Latihan Kursus Sijil Asas Pengurusan Penjara kepada anggota / kakitangan yang telah berkhidmat menjangkau 3 tahun dan belum mengikuti Kursus Asas. Dengan cadangan dari pihak Pengurusan Penjara IPPM maka di tubuhkan kembali Pusat Latihan Pegawai Penjara Wilayah Timur di Penjara Marang, Terengganu.

Sehubungan dengan itu Bahagian Sumber Manusia IPPM telah memaklumkan supaya semua Pusat Latihan Wilayah dapat memberikan nama singkatan dan juga Moto Pusat Latihan itu sendiri. Hasil daripada perbincangan di dalam

mesyuarat Pegawai dan Jurulatih Pusat Latihan dan dipengerusikan oleh Pengarah Penjara Marang, Terengganu YS Tuan Nordin bin Hj. Muhamad majlis telah sebulat suara bersetuju memilih **PULATIM** sebagai nama singkatan kepada Pusat Latihan Pegawai Penjara Wilayah Timur dan Moto Pusat latihan pula adalah “**LATIHAN ASAS KECEMERLANGAN**”.

4.0 SENARAI NAMA PEGAWAI DAN JURULATIH PULATIM SEKARANG

- | | | | |
|-----|----------------------------------|---|---------------|
| 1. | PKP Noor Aziz bin Muhammad Noor | - | Penasihat |
| 2. | PPP Roslan bin Jusoh | - | Komandan |
| 3. | IP. Azma bin Yakub | - | Tim. Komandan |
| 4. | Sjn. 5013 Majik bin Jusoh | - | KGK |
| 5. | Kpl. 6212 Ab. Rahman bin Ngah | - | Jurulatih |
| 6. | Kpl. 6731 Hussin bin Jusoh | - | Jurulatih |
| 7. | Kpl. 202 Siti Noriah binti Ngah | - | Jurulatih |
| 8. | Wp.12766 Sazeli bin Abd. Ghani | - | Jurulatih |
| 9. | Wp. 13817 Mazlan bin Jusoh | - | Jurulatih |
| 10. | Wp. 13824 Mohd Azman bin Ibrahim | - | Jurulatih |

5.0 VISI

MENYEDIAKAN LATIHAN / KURSUS YANG BERKUALITI DAN MEMENUHI KEHENDAK JABATAN BERLANDASKAN KEPERLUAN MASA KINI DAN MASA HADAPAN.

6.0 MISI

MEMBERI PELUANG KURSUS / LATIHAN KEPADA ANGGOTA / KAKITANGAN PENJARA SUPAYA DAPAT MELAHIRKAN KAKITANGAN / ANGGOTA YANG BERDISIPLIN DAN BERTANGGUNGJAWAB DALAM MELAKSANAKAN TUGAS DI PENJARA

7.0 MOTO

“LATIHAN ASAS KECEMERLANGAN”

8.0 OBJEKTIF KURSUS

- Pengenalan kepada Jabatan Penjara Malaysia.
- Mendedahkan Undang-Undang dan Peraturan yang berkaitan serta hal ehwal penjara.
- Memberi bimbingan sahsiah dan etika, jatidiri serta garis panduan tatacara menjalankan tugas dalam membentuk kerjaya yang cemerlang
- Pendedahan kawad kaki, senjata api dan seni mempertahankan diri.

9.0 KURSUS- KURSUS YANG TELAH DILAKSANAKAN DI PULATIM

Pusat Latihan Pegawai Penjara Wilayah Timur (PULATIM) telahpun mengendalikan beberapa Kursus Sijil Asas Pengurusan Penjara dan juga lain-lain kursus yang telah disarankan oleh Bahagian Sumber Manusia IPPM dan juga telah mengendalikan kursus-kursus dalam jangka pendek kepada kakitangan di Penjara Marang, Terengganu.

Pada tahun 2005 PULATIM telah mengendalikan Kursus Sijil Asas Pengurusan Penjara (KSAPP) Siri 1/2005 kepada seramai 60 orang pelatih lelaki dan wanita dari Institusi Penjara di seluruh Malaysia selama 3 bulan iaitu bermula pada 03 Ogos, 2005 hingga 27 Disember 2007. PULATIM juga telah mengendalikan KSAPP Siri 1/2006 kepada seramai 61 orang pelatih iaitu bermula pada 07 Ogos 2006 hingga 09 September 2006 dan KSAPP Siri 2/2006 pula telah dikendalikan oleh PULATIM kepada seramai 59 orang pelatih iaitu bermula pada 03 Disember 2006 hingga 07 Mac 2007. Bermula pada 23 Disember, 2007 hingga 09 April, 2008 PULATIM juga telah mengendalikan KSAPP siri 1/2007 kepada seramai 60 orang pelatih selama 3 bulan.

PULATIM mengorak selangkah kehadapan dengan menganjurkan Kursus Orientasi FASA 1 Jabatan Penjara Malaysia di dalam Plan Pembangunan Insan yang di hadiri oleh lebih 40 orang peserta pelbagai pangkat dari seluruh Institusi di Malaysia iaitu dari 27 Mei 2007 hingga 31 Mei 2007. Majlis Perasmian Penutupan dan Penyampain Sijil telah disempurnakan oleh Yg. Bhg. Dato' Hj. Hassan bin Hj. Sakimon Pengarah Bahagian Pemulihan dan Rawatan Khas IPPM. Sememangnya PULATIM telah di khususkan oleh Bahagian Pengurusan Kepenjaraan IPPM untuk melaksanakan kursus-kursus Pemulihan Jabatan Penjara Malaysia dan kursus ini akan mempunyai kesinambungan pada masa akan datang untuk program Fasa 11 Plan Pembangunan Insan. Kursus Sijil Asas Pengurusan Penjara Fasa 1 juga dilaksanakan di PULATIM dimana seramai 59 orang Pelatih dari pelbagai Institusi telah mengikuti kursus ini yang bermula pada 13 Ogos 2007 dan tamat pada 12 Ogos 2007 iaitu selama sebulan. KSAPP Fasa1 ini telah berjalan dengan baik mengikut jadual yang telah di atur dari masa ke semasa tanpa menghadapi sebarang masalah.

PULATIM juga telah mengendalikan Kursus Pemantapan Pembantu Pegawai Parol Siri 1/2008 pada 18 hingga 20 Mei, 2008 kepada seramai 39 anggota juga telah mengendalikan Kursus Pemantapan Pembantu Pegawai Parol Siri 2/2008 pada 21

hingga 23 Mei, 2008 kepada seramai 42 anggota dari Institusi Penjara seluruh Institusi di Malaysia.

Pada 26 Mei, 2008 hingga 26 Jun, 2008 PULATIM juga telah mengendalikan Kursus Orientasi Fasa 1 kepada seramai 45 orang anggota pengambilan baru dari Institusi Penjara Marang, terengganu dan Institusi Penjara Penor Kuntan, Pahang. Sekarang ini seramai 62 orang pelatih sedang menjalani KSAPP Siri 1/2008 yang telah bermula pada 30 Jun, 2008 dan akan berakhir pada 11 Oktober, 2008 nanti.

PULATIM juga telah melaksanakan Latihan / Ulangkaji teori pengendalian senjata api kepada kakitangan seramai 235 orang yang bermula pada 8 hingga 18 Julai, 2008, manakala Ujian Kemahiran Menembak kepada kakitangan yang terlibat dengan kursus teori senjata api pula akan dijalankan pada bulan Oktober nanti.

Latihan / Kelas Ulangkaji kepada kakitangan juga telah diadakan 4 kali sebulan iaitu yang berkaitan dengan Akta Penjara 1995, Peraturan Penjara 2000, Modul Pengurusan Harian di Blok, Pengurusan Bengkel, Pengurusan Tempat Jumpa, Pengurusan Pintu Utama, Pengurusan Pejabat Rekod dan Pengiringan Banduan. Taklimat dan kelas kepada kakitangan yang akan menduduki peperiksaan PTK dan untuk menghadiri temuduga juga telah diberikan dari masa ke semasa.

Pulatim juga telah mengendalikan ceramah / taklimat / pameran kepada pelajar sekolah serta Pusat Latihan Khidmat Negara (PLKN) yang telah membuat lawatan ke Penjara Marang, Terengganu.

10.0 GAMBAR KEMUDAHAN PRASARANA DI PUSAT LATIHAN PEGAWAI PENJARA WILAYAH TIMUR (PULATIM) MARANG, TERENGGANU



PERMANDANGAN PINTU UTAMA PENJARA MARANG, TERENGGANU



**PINTU MASUK KE PUSAT LATIHAN PEGAWAI PENJARA WILAYAH TIMUR
(PULATIM)**



SUASANA DI DALAM DEWAN MAKAN PULATIM



DEWAN KULIAH PULATIM



DEWAN KULIAH PULATIM



PADANG KAWAD



PADANG KAWAD PULATIM



ASRAMA



PERMANDANGAN KAWASAN DALAM PULATIM



LATIHAN KAWAD KAKI



LATIHAN KAWAD SENJATA



PELATIH DI DALAM DEWAN KULIAH



KELAS KOMPUTER



LATIHAN LSF / FORU



UJIAN KEMAHIRAN MENEMBAK





LATIHAN ASAS BOMBA



LATIHAN MEMADAM KEBAKARAN



LATIHAN PERTOLONGAN CEMAS DAN MENYELAMAT BERSAMA JPA 3





PERBARISAN TAMAT LATIHAN



12.0 T PULATIM

**PUSAT LATIHAN PEGAWAI PENJARA
WILAYAH TIMUR (PULATIM)
21600 MARANG
TERENGGANU**

**NO. TEL : 9 – 8320200 / 238
FAX : 9 - 8325269**